

[REDACTED]

Die Bohnesuppe

Die Ruppertskinner senn ihrer drei:
Die Maari, der Wilhelm, der Sepp.
Sie höm ä paar Äcker un än Houf debei
un müsse halt schlaacht un raacht leb.

Zum Heiern is käns von danne drei kumme.
Mer wäß jo, wie's sou geht:
Erscht häßt's, der oder die werd nit genumme
un schpeter war alles zu schpet.

No senn sie halt alli drei läidi gebliewe,
mer kann jo sou aa leb,
un höm ihr Landwirtschaft betriewe;
die Maari, der Wilhelm, der Sepp.

Die Buwe höm Acker un Staal versorgt
un Futter un Gaald gebrocht.
Die Maari hot dehömm rümgeworgt
un fü rn ganze Haushalt gekocht.

Äamol häult sie die Nachbari oo:
(un kurz druff wäß's die Gemää!)
"Alli Tag wölle sie Bohnsuppe haa,
sou vernäscht senn die Buwe, die zwää!"